

蘇軾著

東坡和陶詩

世界書局印行

東坡和陶詩目次

追和陶淵明詩引	一
和時運四首	二
和勸農六首	二
和停雲四首	三
和歸田園居六首	四
五月旦日作和戴主簿	五
酬劉柴桑	五
與殷晉安別	六
和王撫軍座送客	六
和答龐參軍	六
形贈影	六
影答形	七
神釋	七
怨詩楚調示龐主簿鄧治中	七

九日閒居	八
和移居二首	八
歲暮作和張常侍	九
和郭主簿二首	九
示周續之祖企謝景夷三郎	一〇
和答龐參軍六首	一〇
和連雨獨飲二首	一一
和贈羊長史	一一
和食乞	一二
和胡西曹示顧賊曹	一二
游斜川和正月五日與兒子過出游作	一二
和己酉歲九月九日	一三
和癸卯歲始春懷古田舍二首	一三
和飲酒二十首	一四
和止酒	一七
還舊居和夢歸惠州白鶴山居作	一七

和始作鎮軍參軍經曲阿	一七
和庚戌歲九月中於西田穫早稻	一八
和丙辰歲八月中於下潁田舍穫	一八
和乙巳歲三月爲建威參軍使都經錢溪	一八
辛丑七月赴假還江陵夜行途中作口號	一九
和詠二疎	一九
和詠三良	一九
和詠荆軻	二〇
和讀山海經十三首	二〇
和雜詩十一首	二二
和擬古九首	二四
和東方有一士	二六
和貧士七首	二六
和桃花源詩	二七
和劉柴桑	二八
閻淵明	二九

東坡和陶詩

歸去來集字十首	二九
和歸去來吟辭	三〇

東坡和陶詩

追和陶淵明詩引子由作

東坡先生諱居儋耳。實家羅浮之下。獨與幼子過負擔渡海。葺茅竹而居之。日啗藜芋。而華屋玉食之念。不存於胸中。平生無所嗜好。以圖史爲園囿。文章爲鼓吹。至是亦皆罷去。獨猶喜爲詩。精深華妙。不見老人衰憊之氣。是時轍亦遷海康。書來告曰。古之詩人。有擬古之作矣。未有追和古人者也。追和古人。則始於吾。吾於詩人。無所甚好。獨好淵明之詩。淵明作詩不多。然其詩實而質。綺而實。自曹劉鮑謝李杜諸人。皆莫及也。吾前後和其詩。凡一百有九篇。至其得意。自謂不甚愧淵明。今將集而併錄之。以遺後之君子。其爲我志之。然吾於淵明。豈獨好其詩也哉。如其爲人。實有感焉。淵明臨終。疏告儼等。吾少而窮苦。每以家弊。東西游走。性剛才拙。與物多忤。自量爲己。必貽俗患。詎勉辭世。使汝等幼而飢寒。淵明此語。蓋實錄也。吾真有此病。而不蚤自知。半生出仕。以犯世患。此所以深媿淵明。欲以晚節師範其萬一也。嗟乎。淵明不肯爲五斗米一束帶見鄉里小兒。而子瞻出仕三十餘年。爲獄吏所折困。終不能撓。以陷大難。乃欲以桑榆之末景。自托於淵明。其誰肯信之。雖然。子瞻之仕。其出處進退。猶可效也。後之君子。其必有以處之矣。孔子曰。述而不作。信而好古。竊比於我老彭。孟子曰。曾子與子思同道。區區之迹。蓋未足以論士也。轍少而無師。子瞻旣冠而學成。先君命轍師焉。子瞻嘗稱轍詩有古人之風。自以爲不若也。然自其斥居東坡。其學日進。沛然如川之方至。其詩比李太白杜子美有餘。遂與淵明比。轍雖馳驟從之。而常出其後。其和淵明。轍繼之者。亦一二焉。丁丑十二月。海康城南東齋引。

東坡和陶詩

和時運四首

丁丑二月十四日。白鶴峯新居成。自嘉祐寺遷入。詠淵明時運詩云。斯晨斯夕。言息其廬。似爲余發也。乃次其韻。長子遵與余別三年矣。挈攜諸孫。萬里遠至。老朽憂患之餘。不能無欣然。

我卜我居。居非一朝。龜不吾欺。食此江郊。廢井已塞。喬木千霄。昔人伊何。誰其喬茲。

下有碧潭。可飲可灌。江山千里。供我遐矚。木固無脛。瓦豈有足。陶匠自至。嘯歌相樂。

我視此邦。如涖如沂。邦人勸我。老矣安歸。自我幽獨。倚門或揮。豈無親友。雲散莫追。

旦朝丁丁。誰款我廬。子孫遠至。笑語紛如。翦髮垂髻。一作剪髮垂髻覆此瓠壺。二年一夢。乃復見余。

和勸農六首

海南多荒田。俗以質香爲業。所產秬稌。不足於食。乃以諸芋雜米作粥糜以取飽。余既哀之。乃和淵明勸農詩。以告其有知者。

咨爾漢黎。均是一民。鄙夷不訓。夫豈其真。怨忿劫質。尋戈相因。欺謾莫訴。曲自我人。

天禍爾土不麥不稷民無用物怪珍是殖播厥薰木腐餘是穢貪夫汚吏
鷹鷂狼食

豈無良田黷熙平陸獸縱交締鳥喙諧穆驚磨朝射猛獠夜逐芋羹諸糜
以飽耆宿

聽我苦言其福永久利爾鉏耜好爾隣偶斬艾蓬藿南東其畝父兄搢挺
以扶游手

天不假易亦不汝匱春無遺勤秋有厚奠雲舉雨決婦姑畢至我良孝愛
袒跣何媿

逸諺戲侮博奕頑鄙投之生黎俾勿冠履霜降稻實千箱一軌大作爾社
一醉藉笑

和停雲四首

自立冬以來風雨無虛日海道斷絕不得子由詩乃和淵明停雲詩以寄

停雲在空黯其將雨嗟我懷人道修且阻眷此區區俛仰再撫良辰過鳥
逝不我佇

颺作海渾天水溟濛雲屯九河雪立三江我不出門寤寐北牕念彼海康
神馳往從

凜然清癯。落其驕榮。餽奠化之。廓兮忘情。萬里遲子。晨興宵征。遠虎在側。以寧先生。

對奕未終。摧然斧柯。再游蘭亭。默數永和。夢幻去來。誰少誰多。彈指太息。浮雲幾何。

和歸田園居六首

三月四日。游白水山佛迹巖。沐浴于湯泉。晞髮于懸瀑之下。浩歌而歸。肩輿却行。以與客言。不覺至水北荔枝浦上。晚日葱曠。竹陰蕭然。時荔子纍纍如芡實矣。有父老八十五指以告余曰。及是可食。公能攜酒來游乎。意忻然許之。歸臥既覺。聞兒子過誦淵明歸田園居詩六首。乃悉次其韻。始余在廣陵。和淵明飲酒二十首。今復爲此。要嘗盡和其詩乃已耳。今書以寄妙總大士參寥子。

環州多白水。際海皆蒼山。以彼無盡景。寓我有限年。東家著孔丘。西家著顏淵。市爲不二價。農爲不爭田。周公與管蔡。恨不茅三間。我飽一飯足。薇蕨補食前。門生饋薪米。救我廚無煙。斗酒與隻雞。酣歌錢華顛。禽魚豈知道。我適物自閑。悠悠未必爾。聊樂我所然。

窮猿既投林。疲馬初解鞅。心空飽新得。境熟夢餘想。江鷗漸馴集。蠶叟已還往。南池綠錢生。北嶺紫筍長。提壺豈解飲。好語時見廣。春江有佳句。我醉墮渺莽。

新浴覺身輕。新沐感髮稀。風乎懸瀑下。卻行詠而歸。仰觀江搖山。俯見月在衣。步從老父語。有約吾敢違。

老人八十餘。不識城市娛。造物偶遺漏。同儕盡丘墟。平生不渡江。水北有幽居。手插荔枝子。合抱三百株。莫言陳家紫。甘冷恐不如。君來坐樹下。飽食攜其餘。歸舍遺兒子。懷抱不可虛。有酒持飲我。不問錢有無。

坐倚朱藤杖。行歌紫芝曲。不逢商山翁。見此野老足。願同荔枝社。長作鷄黍局。教我同光塵。月固不勝燭。霜颺散氛祲。廓然似朝旭。

明陋哉斯言也。余爲更之曰。明於大者必晦於小。月能燭天地而不能燭毫釐。此其所以不勝火也。然卒之火勝月勝耶。

莊子云。月固不勝火。郭象曰。大而暗不若小而

昔我在廣陵。悵望柴桑陌。長吟飲酒詩。頗獲一笑適。當時已放浪。朝坐夕不夕。矧今長閒人。一劫展過隙。江山互隱見。出沒爲我役。斜川追淵明。東臯友王績。詩成竟何爲。六博本無益。

五月旦日作和戴主簿

海南無冬夏。安知歲將窮。時時小搖落。榮瘁俛仰中。上天信包荒。佳植無由豐。鉏耰代肅殺。有擇非霜風。手栽蘭與菊。侑我清宴終。擷芳眼已明。飲酒腹尚冲。草去土自隕。井深墻愈隆。勿笑一畝園。蟻螻齊衡嵩。

酬劉柴桑

東坡和陶詩

紅萼與紫芋。遠插牆四周。且放幽蘭春。莫爭霜菊秋。窮冬出甕盎。磊落勝
農疇。棋上白玉廷。棋上出山藥一名玉廷能復過此不。一飽忘故山。不思馬少游。

與殷晉安別

和送昌化軍使張中經官赴闕

孤生知永棄。末路嗟長勤。久安儻耳陋。日與離題親。海國此奇土。官居我
東隣。卯酒無虛日。夜棋有達晨。小甕多自釀。一瓢時見分。仍將對床夢。伴
我五更春。暫聚水上萍。忽散風中雲。恐無再見日。笑談來生因。空吟清詩
送。不救歸裝貧。

和王撫軍座送客

再送張中

胸中有佳處。海瘴不能隄。三年無所媿。十口今同歸。汝去莫相憐。我生本
無依。相從大塊中。幾合幾分違。莫作往來相。而生愛見悲。悠悠含山日。炯
炯留清暉。懸知冬夜長。不恨晨光遲。夢中無與別。作詩記忘遺。

和答龐參軍

三送張中

留燈坐達曉。要與影晤言。下帷對古人。何暇復窺園。使君本學武。少誦十
三篇。頗能口擊賊。戈戟亦森然。才智誰不如。功名嘆無緣。獨來向我說。憤
懣當奚宣。一見勝百聞。往塵臯蘭山。白衣挾三矢。趣此征遼年。

形贈影

天地有常運。日月無閒時。孰居無事中。作止推行之。細察我與汝。相因以成茲。忽然乘物化。豈無生滅期。夢時我方寂。偃然無所思。胡爲有哀樂。輒復隨漣洏。我舞汝凌亂。相應不少疑。還將醉時語。答我夢中辭。

影答形

丹青寫君容。常恐畫工拙。我依月燈出。相肖兩奇絕。妍媸本在君。我豈相媚悅。君如火上煙。火盡君乃別。我如鏡中像。鏡壞我不滅。雖云附陰晴。了不受寒熱。無心但因物。萬變豈有竭。醉醒皆夢爾。未用議優劣。

神釋

二子本無我。其初因物著。豈惟老變衰。念念不如故。知君非金石。安足長托附。莫從老君言。亦莫用佛語。仙山與佛國。終恐無是處。甚欲隨陶翁。移家酒中住。醉醒要有盡。未易逃諸數。平生逐兒戲。處處餘作具。所至人聚觀。指日生毀譽。如今一弄火。好惡都焚去。既無負載勞。又無寇攘懼。仲尼晚乃覺。天下何思慮。

怨詩楚調示龐主簿鄧治中

當歡有餘樂。在戚亦頽然。淵明得此理。安處故有年。嗟我與先生。所賦良奇偏。人間少宜適。惟有歸耘田。我昔墮軒冕。毫釐真市廛。困來臥重裯。憂

媿自不眠。如今破茅屋。一夕或三遷。風雨睡不知。黃葉滿枕前。寧當出怨句。慘慘如孤煙。但恨不早睡。猶推淵明賢。

九日閒居

明日重九。雨甚。展轉不能寐。起坐索酒。和淵明一篇。醉熟昏然。殆不能佳也。

九日獨何日。欣然慳平生。四時靡不佳。樂此古所名。龍山憶孟子。栗里懷淵明。鮮鮮菊菊艷。溜溜糟牀聲。閒居知令節。樂事滿餘齡。登高望雲海。醉覽三山傾。長歌振履商。起舞帶索榮。坎軻識天意。淹留見人情。但願飽秬稌。年年樂秋成。

和移居二首

余去歲三月。自水東嘉祐寺遷居合江樓。迨今年。多病寡歡。頗懷水東之樂也。得歸善縣後隙地數畝。父老云。古白鶴觀也。意欣然。欲居之。乃和此詩。

昔我初來時。水東有幽宅。晨與烏鵲朝。暮與牛羊夕。誰令遷近市。日有造請役。歌呼雜閭巷。鼓角鳴枕席。出門無所詣。樂事非夙昔。病瘦獨彌年。東薪誰與析。

迴潭轉碕岸。我作江郊詩。今爲一塵氓。此地乃得之。昔爲無邪齋。思我無所思。古觀廢已久。白鶴歸何時。我豈丁令威。千歲復還茲。江山朝福地。古

人不吾欺。

歲暮作和張常侍

十二月二十五日。酒盡。取米欲釀。米亦竭。時吳遠游陸道士客於余。因讀淵明歲暮和張常侍。亦以無酒爲嘆。乃用其韻贈二子。

我生有天祿。玄膺流玉泉。何事陶彭澤。乏酒每形言。仙人與道士。自養豈在繁。但使荆棘除。不憂梨棗愆。我年六十一。頽景薄西山。歲暮似有得。稍覺散亡還。有如千丈松。常苦弱蔓纏。養我歲寒枝。會有解脫年。米盡初不知。但覺饑鼠遷。二子真我客。不醉亦陶然。

和郭主簿二首

清明日。聞過誦書。聲節閑笑。感念少時。悵然追懷先君。宦師之遺意。且念淮德二幼孫。無以自遣。乃和淵明二篇。隨意所寓。無復倫次也。

今日復何日。高槐布初陰。良辰非虛名。清和盈我襟。孺子卷書坐。誦詩如鼓琴。卻念四十年。玉顏如汝今。閉戶未嘗出。出爲隣里欽。家世事酌古。百史手自斟。當年二老人。喜我作此音。淮德入我夢。角羈未勝簪。孺子笑問我。君何念之深。

雀巖含淳音。竹萌抱靜節。此兩句先君少時詩失其全首誦我先君詩。肝肺爲澄澈。猶爲鳴鶴

和未作獲麟絕。願因騎鯨李。追此御風列。丈夫貴出世。功名豈人傑。家書三萬卷。獨取服食訣。地行卽空飛。何必挾日月。

示周續之祖企謝景夷三郎

時游城東
學舍作

聞有古學舍。竊懷淵明欣。攝衣造兩塾。窺戶無一人。邦風方杞夷。廟貌猶殷因。先生饑已缺。弟子散莫臻。忍饑坐談道。嗟我亦晚聞。永言百世祀。未補平生勤。今此復何國。豈與陳蔡隣。永媿虞仲翔。弦歌滄海濱。

和答龐參軍六首

周循州彥質。在郡二年。書問無虛日。罷歸過惠。爲余留半月。既別。和此詩送之。

我見異人。且得異書。挾書從人。何適不娛。羅浮之趾。卜我新居。而非玄德。三顧我廬。

旨酒荔蕉。絕甘分珍。雖云晚接。數面自親。海隅一笑。豈云無人。無酒酤我。或乞其隣。

將行復止。眷言孜孜。苟有于中。傾倒出之。奕奕千言。粲焉陳詩。觴行筆落。了不容思。

非妙待側。兩髦丫分。歌舞壽我。永爲歡欣。曲終悽然。仰視浮雲。此曲此聲。何時復聞。

擊鼓其鏜。船開鸞鳴。顧我而言。雨泣載零。子卿白首。當還西京。遼東萬里。亦歸管寧。

感子至意。託辭西風。吾生一塵。寓形空中。願言謙亨。君子有終。功名在子。何異我躬。

和連雨獨飲二首

吾謫海南。盡賣酒器。以供衣食。獨有一荷葉杯。工製美妙。留以自娛。乃和淵明連雨獨飲。

平生我與爾。舉意輒相然。豈止磁石鍼。雖合猶有間。此外一子由。出處同偏僂。晚景最可惜。分飛海南天。糾纏一作纏不吾欺。寧此憂患先。顧影一杯酒。誰謂無往還。寄語海北人。今日爲何年。醉裏有獨覺。夢中無雜言。

阿堵不解醉。誰欺此頽然。誤入無功鄉。掉臂嵒阮間。飲中八仙人。與我俱得僂。淵明豈知道。醉語忽談天。偶見此物真。遂趨天地先。醉醒可還酒。此覺無所還。清風洗徂暑。連雨催豐年。牀頭伯雅君。此子可與言。

和贈羊長史

得鄭會嘉靖老書。欲以海舶載書千餘卷見借。因讀淵明贈羊長史詩云。愚生三季後。慨然念黃虞。得知千載事。上賴古人書。次其韻以謝鄭君。

我非皇甫謐。門人如摯虞。不特兩鴟酒。肯借一車書。欲令海外士。觀經似

鴻都結髮事文史。俯仰六十踰。老馬不耐放。長鳴思服輿。故知根塵在。未免病藥俱。念君千里足。歷塊猶踟躕。好學真伯業。比肩可相如。此書久已熟。救我今荒蕪。顧慙桑榆迫。豈厭詩酒娛。秦賦病未能。草玄老更疎。猶當距楊墨。稍欲懲荆舒。

和乞食

莊周昔貸粟。猶欲春脫之。魯公亦乞米。炊菘尚不辭。淵明端乞食。亦不避嗟來。嗚呼天下士。死生寄一杯。斗水何所直。遠汲愁妾詩。幸有餘薪米。養此老不才。至味久不壞。可爲子孫貽。

和胡西曹示顧賊曹

長春如稚女。飄搖倚輕颺。卯酒暈玉頰。紅綃卷生衣。低頭香自斂。含睇意頗微。寧當娣黃菊。未肯嬖戎葵。誰言此弱質。閱歲觀盛衰。頽然疑薄怒。沃盥未可揮。漳雨吹蠻風。凋零豈容遲。老人不解飲。短句餘清悲。

游斜川和正月五日與兒子過出游作

謫居澹無事。何異老且休。雖過靖節年。未失斜川游。春江綠未波。人臥船自流。我本無所適。汎汎隨鳴鷗。中流遇狀泗。捨舟步會丘。有口可與飲。何必逢我儔。過子詩似翁。我唱兒輒酬。未知陶彭澤。頗有此樂不。問點爾何

如不與聖同憂。問翁何所笑。不爲由與求。

和己酉歲九月九日

十月初吉菊始開。乃與客作重九。因次韻淵明己酉歲九月九日一首。胡廣飲菊潭水而壽。然李回傳贊云。其視胡廣趙戒。猶糞土也。

今日我重九。誰謂秋冬交。黃花與我期。草中實後凋。香餘白露乾。色映青松高。悵望南陽野。古潭霏慶霄。伯始眞糞土。平生夏畦勞。飲此亦何益。內熱中自焦。持我萬家春。一酌五柳陶。夕英幸可掇。繼此木蘭朝。

和癸卯歲始春懷古田舍二首

儋人黎子雲兄弟。居城東南。躬農圃之勞。偶與軍使張中同訪之。居臨大池。水木幽茂。坐客欲爲贖錢作屋。余亦欣然許之。各其屋曰載酒堂。用淵明始春懷古田舍韻。作二首。

退居有成言。垂老竟未踐。何曾淵明歸。屢作敬通免。休閒等一味。妄想生媿醜。淵明本用絕字。聊將自知名。稍積在家善。城東兩黎子。室邇人自遠。呼我釣其池。人魚兩忘返。使君亦命駕。恨子林塘淺。

茅茨破不補。嗟子乃爾貧。菜肥人亦瘦。竈閒井常勤。我欲致薄少。解衣勸坐人。臨池作虛堂。雨急瓦聲新。客來有美載。果熟多幽欣。丹荔破玉膚。黃柑益芳津。借我二畝地。結茅爲子隣。鳩舌儻可學。化爲黎母民。

和飲酒二十首

吾飲酒至少。常以把杯爲樂。往往頽然坐睡。人見其醉。而吾中了然。蓋莫能名其爲醉爲醒也。在揚州時飲酒。過午輒罷。客去解衣。蓋礎終日。歡不足而適有餘。因和淵明飲酒二十首。庶以髣髴其不可名者。示舍弟子由。晁無咎學士。

我不如陶生。世事纏綿之。云何得一適。亦有如生時。寸田無荆棘。佳處正在茲。縱心與事往。所遇無復疑。偶得酒中趣。空杯亦常持。

一。豪詆醉客。氣湧胸中山。漼然忽冰釋。亦復在一言。奮氣實其腹。云當享長年。少飲得徑醉。此秘君勿傳。

道喪士失已。出語輒不情。江左風流人。醉中亦求名。淵明獨清真。談笑得此生。身如受風竹。掩冉衆葉驚。俯仰各有態。得酒詩自成。

蠶婦食葉蟲。仰空慕高飛。一朝薄兩翅。乃得粘網悲。啾啾厭巢雀。沮澤疑可依。赴水生兩殼。遭閉何時歸。一蟲竟誰是。一笑百念衰。幸此未化間。有酒君莫違。

小舟真一葉。下有暗浪喧。夜棹醉中發。不知枕几偏。天明問前路。已度千

金山。嗟我亦何爲。此道常往還。未來寧蚤計。既往復何言。百年六十化。念念竟非是。是身如虛空。誰受譽與毀。得酒未舉杯。喪我固

忘爾。倒牀自甘寢。不擇管與綺。

頃者大雪年。海派翻玉英。有士常痛飲。饑寒見真情。牀頭有敗榼。孤坐時一傾。未能平體粟。且復澆腸鳴。脫衣裹凍酒。每醉念此生。

我坐華堂上。不改麋鹿姿。時來蜀岡頭。喜見霜松枝。心知百尺底。已結千歲奇。煌煌凌霄花。纏繞復何爲。舉觴酌其根。無事莫相羈。

芙蓉在秋水。時節自豔麗。清風亦何意。入我芝蘭懷。一隨採折去。永與江湖乖。斷絲不復續。斗水何足栖。不如玉井蓮。結根天池泥。感此每自慰。吾事幸不諧。酒中有歸路。了了初不迷。乘流且復逝。抵曲吾當廻。

籃輿兀醉守。路轉古城隅。酒力如過雨。清風消半途。前山正可數。後騎且勿驅。我緣在東南。往寄白髮餘。遙知萬松嶺。下有三畝居。

民勞吏無德。歲美天有道。暑雨避麥秋。溫風送蠶老。三咽初有聞。一漑未濡槁。詔書寬積欠。父老顏色好。再拜賀吾君。獲此不貪寶。頽然笑阮籍。醉凡書謝表。

我夢入小學。自謂總角時。不記有白髮。猶誦論語辭。人間本兒戲。顛倒略似茲。惟有醉時真。空洞了無疑。墜車終無傷。莊叟不吾欺。呼兒具紙筆。醉語輒錄之。

醉中雖可樂。猶是生滅境。云何得此身。不醉亦不醒。癡如景升牛。莫保尻與領。點如東郭纒。束縛作毛穎。乃知穢叔夜。非坐虎文炳。

我家小馮君。天性頗純至。清坐不飲酒。而能容我醉。歸休要相依。謝病當以次。豈知山林士。骯髒乃爾貴。乞身當念蚤。過是恐少味。

去鄉三十年。風雨荒舊宅。惟存一束書。寄食無定迹。每用愧淵明。尙取禾三百。願然六男子。粗可傳清白。於吾豈不多。何時復歎惜。

曉曉六男子。絃誦各一經。復生五丈夫。戢戢丁欲成。歸田了門戶。與國充踐更。曾兒初學語。玉骨開天庭。淮老如鶴雛。破殼已能鳴。舉酒屬千里。一歡媿凡情。

淮海雖故楚。無復輕揚風。齋廚聖賢雜。無事時一中。誰言大道遠。正賴三杯通。使君不夕坐。衙門散刀弓。

何人築東臺。一郡坐可得。亭亭古浮圖。獨立表衆惑。蕪城閱興廢。雷塘幾開塞。明年起華堂。置酒弔亡國。無令竹西路。歌吹久寂默。

晁子天麒麟。結交未及仕。高才固難及。雅志或類已。各懷伯業能。共有丘明耻。歌呼時就君。指我醉鄉里。吳國門下客。賈誼獨見紀。請作鵬鳥賦。我亦得坎止。行樂當及時。綠髮不可恃。

蓋公偶談道。齊柎獨適真。頽然不事事。客至先飲醕。當時劉項罷。四海劍
痕新。三杯洗戰國。一斗銷強秦。寂寥千載後。陽公嗣前塵。醉臥客懷中。言
笑徒多勤。我時閱舊史。獨與三人親。未暇餐脫粟。苦心學平津。草書亦何
用。醉墨淋衣巾。一揮三十幅。持去聽坐人。

和止酒

丁丑歲。余謫海兩。子由亦貶雷州。五月十一日。相遇於藤。同行至雷。六月十一日。相別渡海。余時病痔呻吟。子
由亦終夕不寐。因誦淵明詩勸余止酒。乃和元韻。因以贈別。庶幾真止矣。

時來與物遊。路窮非我止。與子各意行。同落百蠻裏。蕭然兩別駕。各攜一
稚子。子室有孟光。我室惟法喜。相逢山谷間。一月同臥起。茫茫海南北。粗
亦足生理。勸我師淵明。力薄且爲己。微痾坐杯勺。止酒則瘳矣。望道雖未
濟。隱約見津涘。從今東坡室。不立杜康祀。

還舊居和夢歸惠州白鶴山居作

癯人常念起。夫我豈忘歸。不敢夢故山。恐與墳墓悲。生世本慙寓。此身念
念非。鷺城亦何有。偶捨鶴毳遺。窮魚守故沼。聚沫猶相依。大兒當門戶。時
節供了推。夢與隣翁言。惘惘憐我衰。往來付造物。未用相招麾。

和始作鎮軍參軍經曲阿

虞人非其招。欲往畏簡書。穆生責醴酒。先見我不如。江左古弱國。強臣擅天衢。淵明墮詩酒。遂與功名疎。我生值良時。朱金義當紆。天命適如此。幸收廢棄餘。獨有媿此翁。大名難久居。不思犧牛龜。兼取熊掌魚。北郊有大賚。南冠解囚拘。嘗言羅浮下。白鶴返故廬。

和庚戌歲九月中於西田穫早稻

蓬頭二獠奴。誰謂愿且端。晨興灑掃罷。飽食不自安。願治此圃畦。少資主游觀。晝功不自覺。夜氣乃潛還。早韭欲爭春。晚菘先破寒。人間無正味。美好出艱難。早知農圃樂。豈有非意干。尙恨不持鋤。未免辭我顏。此心苟未降。何適不閒關。休去復歇去。菜食何所嘆。

和丙辰歲八月中於下澗田舍穫

聚糞西垣下。鑿泉東垣隈。勞辱何時休。寔安不可懷。天公豈相喜。雨霽與意諧。黃菘養土釜。老楮生樹雞。未忍便烹煮。繞觀日百廻。跨海得遠信。冰盤鳴玉哀。茵陳點膾鱸。照坐如花開。一與蠶叟醉。蒼顏兩摧頽。齒根日浮動。自與梁肉乖。食菜豈不足。一作呼兒拆雞栖

和乙巳歲三月爲建威參軍使都經錢溪

喬木卷蒼藤。浩浩崩雲積。謝家堂前燕。對語悲宿昔。仰看桃榔樹。玄鶴舞

長翻新年結荔子。主人黃壤隔。溪陰宜館我。稍省薪水役。相如賣車騎。五
畝亦可易。但恐鷓鴣鳥來。此生還蕩析。誰能插籬槿。護此殘竹栢。和遊城北謝
氏園作

辛丑七月赴假還江陵夜行途中作口號

和郊行
步月

缺月不蚤出。長林踏青冥。犬吠主人怒。愧此閭里情。怪我夜不歸。茜袂窺
柴荆。雲間與地上。待我兩友生。驚鵲再三起。樹端已微明。白露淨原野。始
覺丘陵平。暗蛩方夜績。孤螢亦宵征。歸來閉戶坐。寸田且黠耕。莫赴花月
期。免爲詩酒縈。詩人如布穀。聒聒常自鳴。

和詠二疎

二疎事漢時。迹寓心已去。許侯何足道。寧識此高趣。可憐魏丞相。免冠謝
陋舉。中與多名臣。有道獨兩傅。世途方轂擊。誰肯行此路。是身如委蛻。未
蛻何所顧。已蛻則兩忘。身後誰毀譽。所以遺子孫。買田豈先務。我常游東
海。所歷若有素。神交久從君。屢夢今乃悟。淵明作詩意。妙想非俗慮。庶幾
二大夫。見微而知著。

和詠三良

此生太山重。忽作鴻毛遺。三子死一言。所死良已微。賢哉晏平仲。事君不
以私。我豈犬馬哉。從君求蓋帷。殺身故有道。大節要不虧。君爲社稷死。我

則同其歸。顧命有治亂。臣子得從違。魏。顧真孝愛。三良安足希。仕宦豈不榮。有時纏憂悲。所以靖節翁。服此黔婁衣。

和詠荆軻

秦如馬後牛。呂氏非復嬴。天欲厚其毒。假手李客卿。功成志自滿。積惡如陵京。滅身會有時。徐觀可安行。沙丘一狼狽。笑落冠與纓。太子不少忍。顧非萬人英。魏。韓裂智伯。肘足本無聲。胡爲棄成謀。託國此狂生。荆軻不足說。田子老可驚。燕趙多奇士。惜哉亦虛名。殺父囚其母。此豈容天庭。亡秦只二戶。况我數十城。漸離雖不傷。陸戟加周營。至今天下人。愍燕欲其成。廢書一太息。可見千古情。

和讀山海經十二首

陶淵明讀山海經十三首。其七首皆仙語。余讀抱朴子。有所感。用其韻賦之。

今日天始霜。衆木斂以疎。幽人掩牕臥。明景翻空廬。開心無良友。寓眼得奇書。建德有遺民。道遠我無車。無糧食自足。豈謂穀與蔬。媿此稚川翁。千載與我俱。晝我與淵明。可作三士圖。學道雖恨晚。賦詩豈不如。

稚川雖獨善。愛物均孔顏。欲使噍蜚流。知有鶴龜年。辛勤破封執。苦語劇移山。博哉無窮利。千載食此言。

淵明雖中壽。雅志仍丹丘。遠矣無懷民。超然邈無儔。奇文出續息。豈復生
死流。我欲作九原。異世爲二游。

子政信奇逸。妙算窮陰陽。淮仙枕中訣。養鍊歲月長。豈伊臯燭中。爭此頃
刻光。安知青藜火。丈人非中黃。

亂離棄弱女。破冢割恩憐。寧知效龜息。三歲號窮山。長生定可學。當信仲
弓言。支淋竟不死。抱一無窮年。

三山在咫尺。靈藥非草木。玄芝生太元。黃精出長谷。仙都浩如海。豈不供
一浴。何當從山火。束縵分寸燭。

蜀士李八百。穴居吳山陰。默坐但形語。從者紛如林。其後有李寬。雞鶩非
洞音。口耳固多僞。識真要在心。

黃華育甘谷。靈根固深長。廖井窖丹砂。紅泉湧尋常。二女戲口耳。一作松
膏以爲糧。闕此不能寐。起坐夜未央。

談道鄙俗儒。遠自太史走。仲尼實不死。於聖亦何負。紫文出吳宮。丹雀本
無有。遼哉唐桑君。獨頌三季後。

金丹不可成。安期涉雲海。誰謂黃門妻。至道乃近在。支解竟不傳。化去空
餘悔。金成亦安用。御氣本無待。

鄭君故多方。玄翁所親指。奇文二百篇。了未出生死。素書在黃石。豈敢辭
跪履。萬法等成壞。金丹差可恃。

古強本妄庸。蔡誕亦夸士。曼都斥仙人。謁帝輕舉止。學道未有得。自欺誰
不爾。稚川亦隘人。疏錄此庸子。

東坡信畸人。涉世真散材。仇池有歸路。羅浮豈徒來。踐蛇及茹蠱。心空了
無猜。攜手葛與陶。歸哉復歸哉。

和雜詩十一首

斜日照孤隙。始知空有塵。微風動衆窻。誰信我忘身。一笑問兒子。與汝定
何親。從我來海南。幽絕無四隣。耿耿如缺月。獨與長庚晨。此道固應爾。不
當怨尤人。

故山不可到。飛夢隔五嶺。真游有黃庭。閉目寓兩景。叶室空無可照。火滅
膏自冷。披衣起視夜。海闊河漢永。西牕半明月。散亂梧楸影。良辰不可繫。
逝水無留騁。我苗期後枯。持此一念靜。

真人有妙觀。俗子多妄想。區區勸粒食。此豈知子房。我非徒跣相。終老懷
未央。免死縛淮陰。狗功指平陽。哀哉亦可羞。世路皆羊腸。

相如偶一官。嗤鄙蜀父老。不記犢鼻時。滌器混傭保。著書會幾許。渴肺灰

土燥琴臺有遺魄。笑我歸不早。作書遺故人。皎皎我懷抱。餘生幸無媿。可與君平道。

孟德黠老狐。姦言嗾鳩豫。哀哉喪亂世。梟鸞各騰翥。逝者知幾人。文舉獨不去。天方斲漢室。豈計一鄰慮。昆蟲正相齧。乃比蘭相如。我知公所坐。大名難久住。細德方險微。豈有容公處。既往不可悔。庶爲來者懼。

博大古真人。老聃關尹喜。獨立萬物表。長生乃餘事。稚川差可近。儻有接物意。我頃登羅浮。物色恐相值。徘徊朱明洞。沙水自清駛。滿把萑蒲根。歎息復棄置。

藍橋近得道。常苦世褊迫。西游王屋山。不踐長安陌。爾來寧復見。鳥道度太白。昔與吳遠游。同藏一瓢窄。潮陽隔雲海。晚歲儻見客。代薪供養火。看作栖鳳宅。

南榮晚聞道。未肯化庚桑。陶頑鑄強癩。枉費塵與糠。越子古成之。韓生教休糧。參同得靈鑰。九鎖啓伯陽。鸞城見諸孫。貧苦我爲傷。空餘焦先室。不傳元化方。遺像似李白。一奠臨江觴。

餘齡難把玩。妙解寄筆端。常恐抱永嘆。不及丘明遷。親友復勸我。放心錢華顛。虛名非我有。至味知誰餐。思我無所思。安能觀諸緣。已矣復何歎。舊

說易兩篇。

申韓本自聖。陋古不復稽。巨君縱獨慾。借經作巖崖。遂令青衿子。珠璧入人懷。鑿齒并蛙耳。信謂天可彌。大道久分裂。破碎日愈離。我如終不言。誰悟角與羈。吾琴豈得已。昭氏有成虧。

我昔登胸山。出日觀蒼涼。欲濟東海縣。恨無石橋梁。今茲黎母國。何異于公鄉。蠓浦既黏山。暑路亦飛霜。所欣非自悶。不怨道里長。

和擬古九首

有客叩我門。繫馬門前柳。庭空鳥雀散。門閉客立久。主人枕書臥。夢我平生友。忽聞剝啄聲。驚散一杯酒。倒裳起謝客。夢覺兩媿負。坐談雜今古。不答顏愈厚。問我何處來。我來無何有。

酒盡君可起。我歌已三終。由來竹林人。不數濤與戎。有酒從孟公。慎勿從揚雄。崎嶇頌沙麓。塵埃汗西風。昔我未嘗達。今者亦安窮。窮達不到處。我在阿堵中。

客去室幽幽。鷗鳥來坐隅。引吭伸兩翮。太息意不舒。吾生如寄耳。何者爲我廬。去此復何之。少安與汝居。夜中聞長嘯。月露荒榛蕪。無問亦無答。吉凶兩何如。

少年好遠遊。蕩志隘八荒。九夷爲藩籬。四海環我堂。盧生與若士。何足期
杳茫。稍喜海南州。自古無戰場。奇峯望黎母。何異嵩與邙。飛泉瀉萬仞。舞
鶴雙在昂。分杯未入海。膏澤瀰此方。羊斟儻可飽。無肉亦奚傷。

馮洗古烈婦。翁媪國于茲。策勳梁武後。開府隋文時。二世更險易。一心無
磷然。錦傘平積亂。犀渠破餘疑。廟貌空復存。碑板漫無辭。我欲作銘誌。慰
此父老思。遺民不可問。僅句莫余欺。潔牲齒鷄卜。我當一訪之。銅鼓壺盧
笙。歌此迎送詩。

沉香作庭燎。甲煎紛相和。豈若注微火。紫煙嫋清歌。貪人無饑飽。胡椒亦
求多。朱劉兩狂子。隕隊如風化。本欲竭澤漁。奈此明年何。宋初平劉誼欲冠帶
繫人以取水龍耳

幾窠養鶴髮。及與唐人游。來孫亦垂白。頗識李崖州。再逢盧與丁。閱世真
哀流。斯人今在亡。未遽掩一丘。我師吳季子。守節到晚周。一見春秋末。渺
焉不可求。

城高有荒池。瑣細誰復探。幽姿小芙蓉。香色獨未改。欲爲中州信。浩蕩絕
雲海。遙知玉井鐘。落蕊不相待。攀躋及少壯。已矣一作那容悔。

黎山有幽子。形穠神獨完。負薪入城市。笑我儒衣冠。生不聞詩書。豈知有
孔顏。條然獨往來。榮辱未易關。日暮鳥獸散。家在孤雲端。問答了不通。嘆

息指屢彈。似言君貴人。草莽栖龍鸞。遺我吉貝布。海風今歲寒。

和東方有一士

斲居本近危。甌墜知不完。夢求亡楚弓。笑解適越冠。忽然反自照。識我本來顏。歸路在脚底。殺潼失重關。屢從淵明遊。雲山出毫端。借君無絃物。寓我非指彈。豈惟舞獨鶴。便可躡飛鸞。還將嶺茅瘴。一洗月闕寒。

此東方一士正猶明也。不知從

之辭者誰乎。若了得此一段。我即猶明淵明即我也。

和貧士十七首

余遷惠州一年。衣食漸窘。重九俯邇。樽俎蕭然。乃和淵明貧士詩七首。以寄許下高安宜興諸子姪。并令過同作。

長庚與殘月。耿耿如相依。以我日暮心。惜此須臾暉。青天無今古。誰知織烏飛。我欲作九原。獨與淵明歸。俗子不自悼。顧憂斯人饑。堂堂誰有此。千駟良可悲。

夷齊恥周粟。高歌誦虞軒。產祿彼何人。能致綺與園。古來避世士。死灰或餘煙。末路益可羞。朱墨手自研。淵明初亦仕。絃歌本誠言。不樂乃徑歸。視世差獨賢。

誰謂淵明貧。尚有一素琴。心閑手自適。寄此無窮音。佳辰愛重九。芳菊起

自尋疎巾歎虛漉。塵爵笑空斟。忽餉二萬錢。顏生良足欽。思送酒家保。勿違故人心。

人家有耳目。夫子曠與婁。弱毫寫萬象。水鏡無停酬。閒居惜重九。感此歲月周。端如孔北海。只有尊空憂。二子不並世。高風兩無儔。我後五百年。清夢未易求。

芙蓉雜金菊。枝葉長闌干。盜隣退朝人。餘酒出太官。豈知江海上。落英亦可餐。典衣作重陽。徂歲慘將寒。無衣粟一作寒我膚。無酒饜我顏。貧居真可歎。二事長相關。

老詹亦白髮。

惠州太守詹範字彞之

相對垂霜蓬。賦詩殊有味。涉世非所工。杖藜山谷間。

狀類渤海羹。半道要我飲。意與王弘同。有酒我自至。不須遣龐通。門生與兒子。杖履聊相從。

我家六兒子。流落三四州。辛苦更不識。今與農圃儔。買田帶修竹。築室依清流。未能遣一力。分汝薪水憂。坐念北歸日。此勞未易酬。我獨遺以安。鹿門有前修。

和桃花源詩

世傳桃源事。多過其實。攷淵明所記。止言先世避秦亂來此。則漁人所見。似是其子孫。非秦人不死者也。又云

殺鷄作食。豈有仙而殺者乎。舊說南陽有菊水。水甘而芳。民居三十餘家。飲其水皆壽。或至百二三十歲。蜀青城山老人村。有見五世孫者。遠極險遠。生不識鹽豉。而篋中多枸杞根如龍蛇。飲其水故壽。近歲道稍通。漸能致五味。而壽亦益衰。桃源蓋此比也歟。使武陵太守得而至焉。則已化爲爭奪之場久矣。嘗意天壤之間。若此者甚衆。不獨桃源。余在潁州。夢至一官府。人物與俗間無異。而山川清遠。有足樂者。顧視堂上榜曰仇池。覺而念之。仇池。武都氏故地。楊難當所保。余何爲居之。明日以問客。客有趙令時。德麟者曰。公何爲問此。此乃福地。小有洞天。之附庸也。杜子美蓋云。萬古仇池穴。潛通小有天。神魚人不見。福地語真傳。近接西南境。長懷十九泉。何時一茅屋。送老白雲邊。他日。工部侍郎王欽臣仲至。謂余曰。吾嘗奉使過仇池。有九十九泉。萬山環之。可以避世。如桃源也。

凡聖無異居。清濁共此世。心閒偶自見。念起忽已逝。欲知真一處。要使六用廢。桃源信不遠。藜杖可小憩。躬耕任地力。絕學抱天藝。臂鷄有時鳴。尻駕無可稅。苓龜亦晨暎。祀狗或夜吠。耘耔得甘芳。斲齧謝炮製。子驥雖形隔。淵明已心詣。高山不難越。淺水何足厲。不知我仇池。高舉復幾歲。從來一生死。近又等癡慧。蒲陶安期境。在廣羅浮稚川界。夢往從之游。神交發吾蔽。桃花滿庭下。流水在戶外。卻笑逃秦人。有畏非真製。

和劉柴桑

萬劫互起滅。百年一踟躕。漂流四十年。今乃言卜居。且喜天壤間。一席亦

吾廬稍理蘭桂蕙。盡平狐兔墟。黃櫨出舊楨。紫茗抽新畬。我本早衰人。不謂老更劬。邦君助畚鍤。鄰里通有無。竹屋從低深。山牕自明疎。一飽便終日。高眠忘百須。自笑四壁空。無妻老相如。

問淵明

子知神非形。何異復人天。豈惟三才中。所在靡不然。我引而高之。則爲日星懸。我散而卑之。寧非山與川。三皇雖云沒。至今在我前。八百要有終。彭祖非永年。皇皇謀一醉。發此露灌妍。有酒醉不辭。無酒斯飲泉。立善求我譽。饑人食饑延。委運憂傷生。運去生亦遷。縱浪大化中。正爲化所纏。應盡便須盡。寧復俟此言。

歸去來集字十首

余喜淵明歸去來辭。因集字爲十詩。

命駕欲何向。欣欣春木榮。世人無往復。鄉老有將迎。雲內流泉遠。風前飛鳥輕。相攜就衡宇。酌酒話交情。

涉世恨形役。告休成老夫。良欣就歸路。不復向迷途。去去徑猶菊。行行田欲蕪。情親有還往。清酒引樽壺。

與世不相入。膝琴聊盡歡。風光歸笑傲。雲物寄游觀。言語審無倦。心懷良

獨安。東皇清有趣。植杖日盤桓。

雲岫不知遠。巾車行復前。僕夫尋老木。童子引清泉。矯首獨傲世。委心懷樂天。農人告春事。扶老向良田。

世事非吾事。駕言鄉路尋。向時迷有命。今日悟無心。亭內菊歸酒。牕前風入琴。寓形知已老。猶未倦登臨。

富貴良非願。鄉關歸去休。攜琴已尋壑。載酒復經丘。翳翳景將入。涓涓泉欲流。老農人不樂。我獨與之遊。

觴酒命僮僕。言歸無復留。輕車尋絕壑。孤棹入清流。乘化亦安命。息交還絕遊。琴書樂三徑。老矣亦何求。

歸去復歸去。帝鄉安可期。鳥還知己倦。雲出欲何之。入室常攜幼。臨流亦賦詩。春風吹獨斷。不是傲親知。

役役倦人事。來歸車載奔。征夫問前路。稚子候衡門。入室亦詩策。出遊常酒樽。交親書已絕。雲壑自相存。

寄傲知今是。求榮感昨非。聊欣樽有酒。不恨室無衣。丘壑世情遠。田園生事微。柯庭還獨酌。時有鳥歸飛。

和歸去來公辭

子瞻謫居昌化。追和淵明歸去來辭。蓋以無何有之鄉爲家。雖在海外。未嘗不歸云爾。

歸去來兮。吾方南遷。安得歸。臥江海之頽洞。弔鼓角之悽悲。迹泥蟠而愈深。時電往而莫追。懷西南之歸路。夢良是而覺非。悟此生之何常。猶寒暑之異衣。豈襲裘而念葛。蓋得鞘而喪微。我歸甚易。匪馳匪奔。俯仰還家。下馬闔門。藩垣雖闕。堂室故存。挹我天醴。注之窪樽。飲月露以洗心。餐朝霞而眩顏。混客主以爲一。俾婦姑之相安。知盜竊之何有。乃扃門而折關。廓圓鏡以外照。納萬象而中觀。治廢井以晨汲。滄百泉之夜還。守靜極以自作。時爵理而親桓。歸去來兮。請終老於斯游。我先人之弊廬。復舍此而焉求。均海南與漠北。挈往來而無憂。畸人告余以一言。非八卦與九疇。方饑須糧。已濟無舟。忽人牛之皆喪。但喬木與高丘。驚六用之無成。自一根之反流。望故家而求息。曷中道而三休。已矣乎。吾生有命。歸有時。我初無行亦無留。駕言隨子聽所之。豈以師南華而廢從安期。謂易稼之終枯。遂不漑而不紓。師淵明之雅放。和百篇之新詩。賦歸來之清引。我其後身。蓋無疑。

東坡和陶詩跋

陶淵明先生清風亮節。最爲東坡所欽服。嘗東坡謫居海外。恬澹自適。絕不以身世困阨縈其心。是真能追跡淵明。欲以晚節師範其萬一一語。實東坡之謙詞耳。東坡和陶詩一卷。蓋卽作於海外。嘗作書告其弟子由云。古之詩人。有擬古之作矣。未有追和古人者也。追和古人。則始於吾。又云。吾於詩人。無所甚好。獨好淵明之詩。淵明作詩不多。然其詩實而實綺。癯而實腴。自曹劉鮑謝李杜諸人。皆莫及也。此可知東坡之於淵明。不特欽服其人。且甚欽服其詩。此和陶詩一卷所由作也。清康熙時。詹慶錫纂輯陶詩。嘗以東坡和陶詩一卷附諸卷末。良以陶詩之臭味相同。讀者循是以求。卽可窺知其梗概。茲以陶淵明集與東坡和陶詩合爲一帙。亦卽本詹氏之遺意云。

民國二十四年八月松陵朱劍世跋

仿古字版
柳河東全集

宗元少精緻絕倫。文章卓偉。及徙柳州。焉文益進。雄深雅健。似司馬子長。世推昌黎之亞。東坡云。子厚之文。發藏澗於古藪。寄至味於淡泊。非餘子所及。其推崇如是。全書以閩京杭編及諸郡本。並加讎校。各注仍在正文之下。用仿古字版精印。凡四十四卷。又外集兩卷。補遺一卷。附錄兩卷。率凡子厚之詩文。無不搜羅完備。

精裝一厚册 一元二角 (寄費另議)
(一角三分)

世界書局發行

中
華
民
國
二
十
五
年
一
月
初
版



陶
淵
明
評
集
傳
(合二冊)

定 價 國 幣 八 角

(外埠酌加運費匯費)

出 版 者 國 學 整 理 社

發 行 者 世 界 書 局

印 刷 者 世 界 書 局
上海大連海路

發 行 所 世 界 書 局
上海及各省

